HARENGVE

& remonstrance faicte aux habitans de Limoges,

SVR LE BENEFICE DE la Paix & plusieurs autres occurrences.

PAR

MONSIEVR DE CHAMBERY leur Gouuerneur,



A PARIS,

Par Denis du Pré, Imprimeur demeurant en la rüe des Amandiers, à l'enseigne de la Versté.

PART CAN BUT TO ACTOR OF THE SECOND 473 1450 12 ALGORITHMEN YOUR WORK




HARENGVE

ET REMONTRANce faicte aux habitas de Limoges,

PAR
MONSIEVR DE CHAMBERY,
leur Gounerneur.

Sur le benefice de la Paix & plusieurs autres occurrences.



vous dire & remonstrer comme ie me sens grandement redeuable à vous, de ce qu'entre tous les Gentils homes de ce pais il vous a pleu tant m'honnorer que de m'eslire & choisir & d'vne commune voix nomer au Roy pour vostre Gouverneur soubz l'obeissace de sa maiesté. Charge q ie confesseray fort honnorable, non toutesfois exépte de grands ennuiz pour la difficulté & malaise qui est de contenter vne comunauté composee de personnes de diuerses humeurs: oultre ce q tels grands estatz sont tousiours exposez à l'enuie de plusieurs, qui taschent continuellement à dresser des embusches à

ceux qui les administrent: comme les histoires anciennes nous en peuvent faire plaine foy, mes mes d'vn Caius Marius & Valerius Coruinus, lesquels comme Plutarque testifie ores que par leur vertuils fussent estez ennobliz de sept Consulatz, ne sceurent en fin empescher qu'ils ne fussent calomniez en Rome. Mais c'est vn mal general, i'en ay desia comencé faire l'espreuue. Et tout ainsi que l'affection que i'ay au bien public & au soulagement & conservation du peuple m'a incité d'accepter ceste charge: celle mesme aussi m'a fait vacquer fidelement & le plus soigneusement qu'il m'a c-A iij

sté possible à l'execution de ce q i'ay cogneu necessaire pour vostrebien & salut. N'aiant voulu vous esconduire comme estant extrait de la patrie & vous voysinant de si pres: car ie n'eusse autrement fait office de bon voysin, ne mesmes suiuy le conseil de cest eloquent Ciceron, qui no' admoneste n'estre seulemét nez pour nous, mais pour seruir aupublic, à la patrie, aux paretz, aux voisins & autres ausquelz nous pouvos proffiter. Et c'est le debuoir où nous sommes naturellement obligez. Ioinct qu'on ne scauroit faire chose plus aggreable à la dininité que de foccuper en affaires qui puissent redonder & seruir au public : le loz en reste encores tant d'vn Curse que autres, & en demeurera leur memoire aux siecles aduenir. Or en cotemplation de ce que dessus & de mon debuoir ie vous atteste si ie me suis voulu espargner: car deslors que ie suis entré en vostre ville, qui fut au mois de Septembre 1575. iusques à ce mois de May expiré, 1576. qui est l'espace de neuf mois entiers, i'ay tousiours tasché devous estre deffenseur: & quelques calices d'amertume qu'on m'aye preparez durant ledict téps, ie les ay beuz doucement: & à tous obstacles suruenuz i'ay resisté de mő pouuoir. Voº n'ignorez poït

les querelles que i'ay prinses faisant seruice à mó Roy & à vous: & est à moy maintenant en particulier les debattre. Ce nonobstat la pæur ne m'a iamais esbralé aiant vne querelle si iuste, ne desirant mieux mourir que pour le seruice de sa Maiesté & le vostre. Les mies ont fait preude de la fidelle affectió qu'ils ont portee au seruice de la Couronne de France, y estat feu mon pere decedé auec vne heureuse renommee. Et de moy, il y a vingt ans passez q i'ay porté les armes pour mes Roys, sans iamais forligner de la droicte voye. Durat lequel temps, ie me suis tellement comporté auec toute modestie que

ie ne pése auoir donné occasion a personne de m'estre ennemy, si est ce qu'aucuns me voians zelateur du repos & conseruation de vostre republique, & que ie ne sçaurois auoir l'ame sinistre, auroient brassé plusieurs parties cotre moy, qui n'ont reussi à leur auantage ne esté effectuees selon leurs desseins. Ie yous atteste to? de lire en vos conceptions si onques ray commis acte contraire à vostre salut. l'ay estendu tous mes moiens à vos affaires plus pressees pour vous conseruer. le m'asseure que beaucoup de gens de bien ne seront si ingratz qu'ils ne le confessent à l'vigente necessité: & continuellement i'ay

tenu l'œil ouuert n'aiant dormy deux heures la nuict, tant le foig me talonnoit de vous: aussi l'action du chef le doibt rendre digne de commander: le reglemet q dés le premier iour i'ay establien vozgardes vous pourra feruir à perpetuité, & ie vous admoneste de l'observer. Pour anean. tir les desseis ennemis, i'ay à mo arriuee changé l'ordre que vous teniez en voz gardes, chassat par ce moien l'occasion de pouvoir surprendre vostre ville. Car qui est celuy qui eust osé brasser vne entreprinse apres la reductió de voz gardes? A on iamais sceu le soir l'ouverture asseurce de la porte du jour suiuant? Pareille9

mét l'édroit de la muraille où le cétenier de quel caton qu'il fust debuoit faire sa retraitte?Inuétió qui vous a beaucoup serui pour empescher les intestines cospiratios. Ioin& que ie n'ay iamais licentié vn Capitaine seul pour commander sur voz murs: ains pour euiter tous monopoles & ligues de chacun cartier de ville, vn chef commandoit particulieremet en son corps de garde. Pour le regard de voz fortificatiós, actuellement ie vous ay requis d'y trauailler, & vous y pense auoir seruy d'esperó: car par la rigueur de, mes commandemés soubz l'auctorité du Roy, vous auez voz moulins dressez dans

la ville, voz murailles reparees, & voz tours flanquees: mesmes ie vous ay acheminé l'invention de pouuoir faire iournellement vne grand' quantité de pouldres par le moien du salpestre qu'on vous a prattiqué l'art. Aussi ie vo? ay comande expressement pour vous rédre plus forts de faire des pieces de batterie, & plusieurs autres reparatiós que vous auez faictes en vostre ville, lesquelles maintenant vous peuuent donner argument de ne redoubter l'ennemy. Parce Messieurs ie vo? prie tous generalemet de ne delaisser l'œuure commencé & ne mettre le soing de vostre conseruation au crochet: pour tant d'a-

leine que vous ayez, entretenez les merques que voz deuanciers ont bornees. Telles choses ne se peuuet conduire sans fraiz, mais d'autant que c'est vn bien neces. faire, il est besoing de ne sy espargner. Il me desplaist grandemet de veoir tant de pauure peuple foulé par charge qu'il ne peult bonnement supporter, & conseille aux riches de le soulager sans differer d'auantage, coside. rat qu'apres la mort le Medecin n'est plus necessaire. Doncques tous aiez durant la traquillité & repos l'œil ouuert aux affaires, forrifiez vous plusque iamais: n'attendez l'vrgenté necessité au reste de voz reparations: vnissez

yous comme freres & vrais citoies vous auez ce bruit de vous estre heureusement conseruez. Vous sçauez que la renommee rend les choses plus grandes que elles ne sont. Ie n'ignore pourtant qu'il n'y ait de galante ieunesse & de bons hommes en ceste ville: mais ie crains que la diuision & l'enuie de commanderentre yous autres yous mette en quelque perplexité. La discorde conduict en fin le peuple à vne grande & extreme calamité. Les histoires remerquét assez vne infinité de folies qui regnent en la democratie. Entretenez vous, obeissez à voz supericurs & magistrats. L'obeissance prestee des republiqs à leurs Gouverneurs & superintendens conserue l'estat & entretient les loix d'icelles: & la folle presumprion les faict venir en decadence. Tout ce que ie vous en dis, Messieurs, est pour vostre protection, & netend à autre fin, com me aussi n'ont fait mes actions precedentes: qui me fait asseurer que vous confesserez que vostre garde n'eust esté si exactement faicte sans quelque peu de rigueur qu'il m'a faillu tenir con tre tous, & mesmes contre ceux qui manquoiet en leur debuoir, aiant en cela tourné le doz à toute particuliere faueur: ce que lon ne doibt imputer à inimitié ne

m'en sçauoir mauuais gré: veu q ce que i'en faisois tendoit tousiours à vostre salut & protectió, & celane meritoit de nie satyriser & calomnier Mais c'est tousiours la recompésé de ceux qui obtiennent les grades de commander, comme d'vn Alcibiades dit Plutarque: lequel apres auoir long temps commandé à Athenes & conduit l'armee Athenienne auec Nicie en Sicile, pour le salaire de son trauail fut libelle & exile de son païs, toutesfois par apres remis, la verité estat cogneue. Mais nonobstat le grade qu'il tenoit, fut vassal de la fortune. Pour rentrer en ma premiere brizee vo sçauez que

si ie n'eusse prattiqué tel vsage de rigueur, l'occasion se presentoit tous les iours d'vn scisme entre vous autres. Ioinct que n'eussiez obey à voz chefs & superieurs pour la vaine conference q faictes ordinairemet de l'vn à l'autre. Donc come bons cocitoiens guidez voz affections à vne: & mon dire vous serue. Le surplus que i'ay à poursuiure est que ie me ressens tresaile (comme vnanimement nous debuons estre) pour le benefice de la paix, laquelle nous auons si long temps attédue & Dieu nous l'a ce iourd'huy enuoyee, le Roy l'aiant ia faicte publier par tout: d'autant que tous actes d'hostilité cesse-

ront & qu'vu chacun visera à son but tant l'Ecclesiastique, le Noble, le soldat, le marchat, l'artilan, que le labourent: & est expedient que tous fraternellemet synissent la discorde assopie. L'aile que i'en reçois pour le repos commun m'est si aggreable que chose qui me sçauroit oncq aduenir. le prie Dieu que ceste paix foit longuement durable pour la felicité du royaume. Or par la voie d'icelle, viuant conioinctement en amis, les armes doibuent estre deposees vniuetsellement par les villes. De façon que le commandement d'vn Gouverneur particulier ne vous est plus necessaire, & les

moiens sont facilz de vous conseruer par la vigilance que ie vo9 ay presupposee, & obeissace que vous porterez à voz superieurs, observant sans murmure les loix & edicts duRoy qui vous est ordonné de Dieu. Cest aux Roys qui sont noz chefs & conduceurs de commander, & à nous d'obeir. Les anciens pour l'aucto rité qu'ils ont les nommoient Dieux secondaires, pour faire apparoistre comme on les doibt reuerer. Ils sont establis de Dieu sur le peuple pour y comader, co me le seul soleil aux regions celestes. Si l'enuye de plusieurs ne eust par trop brussé, & qu'ils eussent presté l'obeissance deue aux

superieurs toutes choses se fussét mieux comportees. Le peuple se doibt rendre subiect aux souuerains, aux Princes & Gouverneurs entat qu'ils sont aduoûez des Rois, & suivent le comandement d'iceux fidelement. Aussi les Gouverneurs doibuét espouser la cause commune plus que la leur propre. Pour mo particulier ie vous laissé à penser & m'accuser si i'en ay rien oublyé, & quel proffit i'en ay rapporté, si ce n'est les querelles que l'ay acquises. Mais non obstant tout, à vne si saincle cause i'auray tousiours enuye de perseuerer ma bonne volonté: car comme on dit vulgairement, le bon sang court

tousiours à la partie viceree. Aussi ie ne me veux espargner où ie pourray pour vous, quand me ferez cest honneur que de m'appeller, me contentant beaucoup du bien & de l'honneur que la ville m'a faict. Considerez donc, Messieurs, que ce que ie vous ay proposé ne tend qu'à vne vnion: car il fault que tous les estats auiourd'huy simbolisent, l'Eglise auec la Noblesse, la Noblesse auec le tiers estat : comme estants membres d'vn mesme corps: & qu'vn chacun exerce sa vacation ordinaire, afin que cette paix soit longuement durable entre tous, sans seplus iniurier ny vser de mots odieux & ridicules, co.

me aucuns qui ont attacqué toute la Noblesse de mots rigoureux la nommant vermine. C'est un terme general duquel on vse qui a plusicurs visages, & taxe au tant le Gentil homme de vertu que le vitieux. S'il en y a aucuns qui particulierement vous ayez cogneu desloyaux & sinistres en leurs actions, vous auez glque raison de vous en ressentir contre eux: mais en cest affaire ne autre, il n'est expediét qu'vn general souffre pour yn particulier. Vous m'accorderez que la Noblesse est instituce de log temps, & par toutes les republiques a esté tousiours auctorisee: vous ne sçauez Messieurs, de qui auec le

téps pourriez auoir affaire, vous estat plus prostitable attirer leur amitié par douceur que les prouoquer par iniures rigoureules. De moy ie suis tellement cotent de vous autres, que l'affection ne me guydera oncques autre part qu'à soustenir vostre querelle car Dieu affilte à ceux qui font pour le droit & iustice. Si vous auez quelque mescontentement, & que le vous aye melfait, ou qu'il y ait quelqu'vn qui ait à faire des doleances contre moy, qu'il le declaire en public, ou à part, & il me fera vn fingulier plaifir, cognoissant assez qu'il n'y a celuy qui ne face quelque faute, & come homes y sommes naturelle-

ment subiets. Bien vous asseurcray je que i'ay tout fait à bonne intentió, & que dans mon crur n'ont iamais logé imposture ne trahison:mais il seroit bien Dieu. celuy qui se pourroit rendre aggreable à tout vn peuple: car eust il la sagesse de Salomon, la bonté de Traian, & la fœlicité d'Auguste, le peuple y trouuerroit quelque chose à redire. l'accorde que beaucoup de grands Seigneurs vous ont cy deuant comadé & fait le debuoir en l'exercice de leur charge, mais de meil leure volonté ne vous ont ils fait seruice ne auec plus de vigilace. Ie me suis tousiours confié de rous & n'ay iamais fait chose d'importance

d'importace sans appeller Messieurs les Consuls, tant ceux de l'annee precedente que les presents, lesquels representent le corps de la ville: ausquels to' i'ay comuniqué lesdicts affaires suruenantz auec toute sincerité. le n'ay demadé autres soldats pour ma garde que ceux que m'auez donez & esleuz, lesquels ont effectué mes commandements & les vostres, soubs l'auctorité du Roy. Non obstat lon a bien fait des assemblees publicques souuent sans m'appeller, où possible l'experiece que ie pouuois auoir aux affaires ne vous eust pas porté dommage. Mais il faut obseruer auiourd'huy en ce bien

de paix la loy instituce par les Atheniens qu'ils nomn loy d'oubli donnée en France par l'édit de Et pour faire fin, le vous Prieray de rechef Messieurs de ne dormir, a fin que les loups n'entrent en voltre bergerie que quelque bon Palteur soit tousjours loigneux de vous autres, soit guerre ou paix, prenez y garde. Les Babiloniens se confiants à leur fortes murailles alliegez par les Perliens faisoiet bien peu d'estat d'iceux, presumants seur ville imprenable, ou enfin sadonants à la parelle & volupte, desais des armes furent par la vigilance de Cyrus Roy de Perse

tous saccagez. Vous ne pouuez ignorer que vostre ville ne serue de frontiere. Perigueurs vous estant si pres & autres forts, qui du soir au lendemain, quad bien ils les auroient quittez se reprendroient à vostre veue. Et n'ayant autre chose à vous discourir en vostre conservation, sice n'est que les plus vrais amis & plus asseurez que nous aions c'est nous mesmes. vous prieray vaquer diligemment à vostre garde, sans entremettre rien de vostre debuoir au seruice du Roy & par mefme moyen yous prieray m'excuser si obeissant au commandement de sa Maiesté ie me retire pour m'acheminer dans peu de iours pour sondit seruice, à mon autre Gouvernement de Roucroy.

Et prenant congé de vous ie vous remercie tous en general de ce que m'auez assisté & m'auez presté obeis-

de mon gouvernement, vous asseurant que ne me trouverrez iamais autre que vostre bon amy, autant hors le commandemet d'iceluy que quad ie l'auois, pour les courtoisses que l'ay receües de vous, & pour l'honesteté que i'ay remerquee en plusieurs, ausquels ie demeureray à iamais obligé & redeuable pour leur integrité.

Fut proferee ladicte harangue par ledict ficur de Chambery le 28. May,1576.



ILLVSTRE SEIGNEVR MONSIEVR

de Chambery Cheualier de l'Ordre du Roy & Gouverneur pour sa Maiesté à Roucroy & Limoges.

SONET,

Ie ne veux d'yn Alcid', ores tracer l'histoire, le ne veux d'yn Hector, les effets faire voir. le ne veux yn Achill' icy sa place auoir, Ne ceux qui se sont ceints, des Lauriers de victoire.

Ie veux tant seulement perpetuer ta gloire, Quel louage on te doibt, & quel est to pouvoir, Quel trosee immortel tu pourrois recepuoir, Tes faits d'armes aiant galoppé leur memoire. Cesse Homere en ses vers de redite le nom De ce Pallamedés, de cest Agamemnom, De Patrocle, d'Vlix, ne de ceux que la Grece

Honnoroit ses combats: car tu as plus d'honneur, Depuis que nostre Roy, t'a esseu Gouuerneur, Nous metrant hors du joug par ta seule proüesse.

AD NOBILISSIMVM ET FORTIS-

fimum virum Dominum de Chamberi Torquatum Regis militem M. Lascurij Lemouicis Epigramma.

Peleides fœlix quòd cum Volitare per ora Meonida fecit Musa canora Virum.

'Ast ego dum tenui cum caymine laudibus orno Chambery, fœlicem me nimis effe puto.

Nam dum Lemouices rabidi tu faucibus bostia Eripis, & Regi pectora sida tenes,

Priscorum laudes superat tua splendida virtus, Falciserumque domat iam tua sama senem. Hectora Dardani laudent, mirentur Achillem

Aectora Dardani laudent, mirentur Achillem Argolici, te orbis cunctus Vbique canet.

Dominum de Chamberi Ionnis Hugoni Lemonicis Epigramma.

A patria retulit Cafar si clarus honores, Si illius laudes sydera cunsta canunt.

Te quoque non laudes meritum virtute minores Phabus nunc radius vult retinere suis.

Et cum sint soliti veteres ornare trumphis Magnanmos summis encomúsque viros,

Nunc verò exierit mos sic (licet omnibus aptus Claris) fas laudes est cecinisse tuas.

Et tibi qui patriam generoso pectore nostram Seruasti shac Musa carmina pauca Vouent.

